



ҮНДЭСНИЙ АУДИТЫН ГАЗАР
НИЙСЛЭЛ ДЭХ
ТӨРИЙН АУДИТЫН ГАЗАР

14200 Улаанбаатар хот, Сүхбаатар дүүрэг, 8 дугаар хороо,
Г.Амарын гудамж, Соёлын төв өргөө, Г корпус, 5 давхар,
Утас: 7000 7734, Факс: (976-11) 32 01 54,
И-мэйл: ub@audit.gov.mn, Вэбсайт: www.city.audit.mn

2020.06.12 № 1058
танай _____-ны № _____-т

НИЙСЛЭЛ, ДҮҮРГИЙН ИРГЭДИЙН
ТӨЛӨӨЛӨГЧДИЙН ХУРЛЫН 2020
ОНЫ ЭЭЛЖИТ СОНГУУЛЬД
ОРОЛЦОХ УЛС ТӨРИЙН НАМ,
ЭВСЛИЙН УДИРДЛАГАД

Мөрийн хөтөлбөрт дүгнэлт гаргах
аудитын тухай

Аймаг, нийслэл, сум дүүргийн иргэдийн төлөөлөгчдийн хурлын сонгуулийн тухай хуулийн 37 дугаар зүйлийн 37.5-д “Нам, эвсэл болон бие даан нэр дэвшигчийн сонгуулийн мөрийн хөтөлбөрт орсон зорилт, арга хэмжээ нь Монгол Улсын хөгжлийн үзэл баримтлалд нийцсэн эсэх болон санхүүгийн тодорхой эх үүсвэр шаардсан арга хэмжээг хэрэгжүүлэхэд шаардагдах зардлын дүн нь Төсвийн тогтвортой байдлын тухай хуульд заасан төсвийн тусгай шаардлагад нийцэж байгаа эсэх”-ийг Төрийн аудитын орон нутаг дахь салбар байгууллага хянаж, дүгнэлт гаргахаар заасан. Энэхүү зохицуулалтын дагуу сонгуульд оролцох нам, эвслийн мөрийн хөтөлбөрт аудит хийх бэлтгэл ажлыг эхлүүлээд байна.

1.Бид аудитыг Төрийн аудитын тухай хууль, Аймаг, нийслэл, сум дүүргийн иргэдийн төлөөлөгчдийн хурлын сонгуулийн тухай хуулийн хүрээнд MNS 6817 : 2020-Төрийн аудитын стандартын дагуу гүйцэтгэх ба дараах чиг үүргийг хэрэгжүүлнэ. Үүнд:

- 1.1 Улс төрийн нам, эвслийн сонгуулийн мөрийн хөтөлбөрт орсон зорилт, арга хэмжээ Аймаг, нийслэл, сум дүүргийн иргэдийн Төлөөлөгчдийн хурлын сонгуулийн тухай хууль болон мөн хуулийн 37 дугаар зүйлийн 37.3-т заасан мөрийн хөтөлбөрт тусгахыг хориглосон заалт байгаа эсэхийг хянах;
- 1.2 Улс төрийн нам, эвслийн сонгуулийн мөрийн хөтөлбөрт орсон зорилт, арга хэмжээ нь Монгол Улсын хөгжлийн үзэл баримтлалд нийцсэн эсэхийг хянах;
- 1.3 Мөрийн хөтөлбөрийн санхүүгийн тодорхой эх үүсвэр шаардсан арга хэмжээг хэрэгжүүлэхэд шаардагдах зардлын дүн нь Төсвийн тогтвортой байдлын хуульд заасан төсвийн тусгай шаардлагад нийцэж байгаа эсэх талаар хянах;
- 1.4 Тодруулах зүйлсийг тухай бүр мэдэгдэх бөгөөд аудитын явцад улс төрийн нам эвслийн холбогдох албан тушаалтнаас нэмэлт мэдээлэл, тайлбар авах;

1.5 Аймаг, нийслэл, сум дүүргийн иргэдийн төлөөлөгчдийн хурлын сонгуулийн тухай хуулийн 37 дугаар зүйлийн 37.9-д заасны дагуу сонгуулийн мөрийн хөтөлбөр нь Аймаг, нийслэл, сум дүүргийн иргэдийн төлөөлөгчдийн хурлын сонгуулийн тухай хуульд заасан шаардлага хангаагүй тохиолдолд тав хоногийн дотор зөрчлийг арилгасны үндсэн дээр дахин дүгнэлт гаргах болон дээрхтэй холбоотой бусад чиг үүрэг хамаарна.

Нам, эвслээс ирүүлсэн сонгуулийн мөрийн хөтөлбөр нь Аймаг, нийслэл, сум дүүргийн иргэдийн төлөөлөгчдийн хурлын сонгуулийн тухай хуульд нийцэж байгаа эсэх дүгнэлтийг хуулийн хугацаанд нийслэлийн Сонгуулийн хороонд хүргүүлнэ.

2. Аймаг, нийслэл, сум дүүргийн иргэдийн төлөөлөгчдийн хурлын сонгуулийн тухай хуулийн дагуу нам, эвслийн удирдлага дараах үүрэг хариуцлагыг хүлээж байна. Үүнд:

2.1 Нам, эвсэл нь мөрийн хөтөлбөртөө дүгнэлт гаргуулахаар 06 дугаар сарын 25-ны өдрөөс өмнө нийслэл дэх Төрийн аудитын газарт хүргүүлсэн байхыг /Аймаг, нийслэл, сум дүүргийн иргэдийн төлөөлөгчдийн хурлын сонгуулийн тухай хуулийн 37.6/;

2.2 Нам, эвсэл нь сонгуульд оролцох хүсэлтийг санал авах өдрөөс 60-аас доошгүй хоногийн өмнө илэрхийлэхдээ дээрх дүгнэлтийг гаргуулсан байхыг /Аймаг, нийслэл, сум дүүргийн иргэдийн төлөөлөгчдийн хурлын сонгуулийн тухай хуулийн 25 дугаар зүйл, мөн зүйлийн 25.3.4, 25.4.4/;

2.3 Нам, эвслийн сонгуулийн мөрийн хөтөлбөр болон түүнд дүгнэлт гаргахад шаардагдах мэдээлэл /энэхүү захидлын нэг ба хоёрдугаар хавсралт/ мөн мөрийн хөтөлбөрийн 4 эх хувийг¹ хэвлэмэл байдлаар, хувийг CD-нд буулган дугтуйнд хийж битүүмжлэлтэйгээр /нийслэл дэх Төрийн аудитын газар Соёлын төв өргөө Г корпус 5 давхар 519 тоот/ -т ажлын цагаар хүлээлгэн өгнө. Дугтуйн дээр нам, эвслийн нэрийг гаргацтайгаар бичсэн байна. /хэрэв эвсэл бол хуульд заасан журмын дагуу эвсэл байгуулагдсан талаарх нотлох баримтын хамт/

Аудит гүйцэтгэх хугацаанд сонгуульд оролцох нам, эвсэл дөрвөн жилийн хугацаанд хэрэгжих мөрийн хөтөлбөрийг шаардлагатай баримт, материалын хамт ирүүлэх, аудитын зорилгоор хүссэн нэмэлт тайлбар, мэдээллийг бичгээр баталгаажуулж өгөх, аудитын бусад нотолгоог олж авах нөхцөл, боломжоор хангаж ажиллана уу.

Нам, эвсэл нь хуулийн дээрх зохицуулалтуудыг анхаарч мөрийн хөтөлбөрөө хуулийн хугацаанд ирүүлэх бөгөөд тус чиг үүргийг хэрэгжүүлэхтэй холбоотойгоор тухайн нам, эвслийг төлөөлөн шууд харилцах эрх бүхий албан тушаалтны мэдээллийг нотлох баримтын хамт ирүүлж, уг албан тушаалтан солигдох


¹ Мөрийн хөтөлбөрт дүгнэлт гаргасан тайланг эх хувиар 4 газар хэрэглэнэ. 1% -ийг ТАБ-д, 1% -ийг СЕХ-нд, 2% -ийг нам эвсэл, бие даан нэр дэвшигчид баталгаажуулан хүргүүлнэ.

өөрчлөгдөх бүрд нийслэл дэх Төрийн аудитын газарт албан бичгээр мэдэгдэж ажиллахыг хүсье.


Аудитыг хуулиар тогтоосон хугацаанд гүйцэтгэхэд харилцан хүлээсэн үүргээ хэрэгжүүлж хамтран ажиллана гэдэгт итгэж байна.

Хавсралт: 2... хуудастай.

Хүндэтгэсэн,

ДЭД ДАРГА БӨГӨӨД ТЭРГҮҮЛЭХ
АУДИТОР  Б.МӨНХ-ОЧИР





Нийслэл дэх Төрийн аудитын газрын
 2020 оны 6 дугаар сарын 12 өдрийн
 1058 дугаар албан бичгийн хавсралт
 УХА0612 9077278

Аймаг, нийслэл, сум дүүргийн иргэдийн төлөөлөгчдийн хурлын сонгуулийн тухай хуулийн 37 дугаар зүйлийн 37.5-д заасан дүгнэлт гаргахтай холбогдуулан улс төрийн нам, эвслээс мөрийн хөтөлбөрийн хавсралтаар ирүүлэх мэдээлэл

№	Нам эвслийн сонгуулийн мөрийн хөтөлбөрт тусгагдсан зорилт, арга хэмжээ	Шаардагдах санхүүгийн эх үүсвэрийн тооцооллыг хийхдээ төсвийн төсөөллийг баримталсан эсэх (тийм, үгүй)	Төсвийн тогтвортой байдлын тухай хуулийн аль заалтад хамаарч буй (тийм, үгүй)	Нийслэлийг хөгжүүлэх хэтийн зорилт (холбогдох заалтыг бичих)	Тайлбар
	1	2	3	4	5

Жич:

- 2 дугаар баганад шаардлагатай санхүүгийн эх үүсвэрийг тооцоолохдоо төсвийн төсөөллийг баримталсан эсэх /Нийслэлийн 2021-2022 оны төсвийн төсөөлөл/
- 4 дүгээр баганад Нийслэлийн Иргэдийн Төлөөлөгчдийн Хурлын 2020 оны 02 дугаар сарын 20-ны өдрийн 32/04 дүгээр тогтоолоор баталсан Нийслэлийг хөгжүүлэх хэтийн зорилтын аль заалтыг үндэслэл болгосныг тодорхой бичих.

Мэдээллийг бэлтгэсэн _____-ыг төлөөлж

Нам/эвслийн/нэр


(тэмдэг) _____-ыг төлөөлж

албан тушаал овог нэр гарын үсэг

(тэмдэг) _____-ыг төлөөлж

албан тушаал овог нэр гарын үсэг

20... оны ... сарын ... өдөр



Нийслэл дэх Төрийн аудитын газрын
2020 оны 10 дугаар сарын 2-өдрийн
1058 дугаар албан бичгийн хавсралт

1117145633

Нийслэл, дүүргийн иргэдийн төлөөлөгчдийн хурлын сонгуульд оролцох улс төрийн нам, эвсэл болон бие даан нэр дэвшигчийн сонгуулийн мөрийн хөтөлбөрт санхүүгийн тодорхой эх үүсвэр шаардлагатай зорилт, арга хэмжээний жагсаалт

(сая/төг)

№	Нам, эвслээс сонгуулийн мөрийн хөтөлбөрт тусгагдсан санхүүгийн тодорхой эс үүсвэр шаардсан зорилт арга хэмжээ	Тухайн зорилт арга хэмжээг хэрэгжүүлж эхлэх, дуусах хугацаа	Тухайн зорилт арга хэмжээг хэрэгжүүлэхэд шаардагдах нийт зардлын дүн (сая.төг)	Зардлын мөнгөн дүн, санхүүжүүлэх эх үүсвэр (улсын төсөв, орон нутгийн төсөв, гадаадын зээл тусламж, гадаад, дотоодын хөрөнгө оруулалт, Засгийн газрын гадаад, дотоод үнэт цаас, концессын гэрээ, бусад эх үүсвэрийн аль нь болохыг бичих)								Тайлбар	
				2021		2022		2023		2024			
				Мөнгөн дүн	Санхүүжүүлэх эх үүсвэр	Мөнгөн дүн	Санхүүжүүлэх эх үүсвэр	Мөнгөн дүн	Санхүүжүүлэх эх үүсвэр	Мөнгөн дүн	Санхүүжүүлэх эх үүсвэр		
	1	2	3	4	5	6	7	8	9	10	11	12	
1	Жишээ нь : Зорилт арга хэмжээний нэр	2021-2022	1,500.0	800.0	Улсын төсөв	700.0	Орон нутгийн төсөв						
2	Зорилт арга хэмжээний нэр	2023	800.0					800.0	Дотоодын хөрөнгө оруулалт				